



Broj: 02/1-50-1-22-39/09

Dana, 8.7.2009.godine

Z A P I S N I K

sa 39. sjednice Ustavnopravne komisije Doma naroda Parlamentarne skupštine BiH održane 19.6.2009. godine.

Sjednica je održana 19.6.2009. godine sa početkom u 10 sati.

Sjednici su prisustvovali članovi Komisije:

1. Ivo Miro Jović,
2. Slobodan Šaraba,
3. dr Hilmo Neimarlija,
4. Zoran Koprivica,
5. Rudo Vidović.

Sjednici je prisustvovao i sekretar Komisije, dr. Zijad Hasić.

Sjednici nije prisustvovao, iz opravdanih razloga, Sulejman Tihić, drugi zamjenik predsjedavajućeg Ustavnopravne komisije.

Od gostiju, sjednici Komisije prisustvovali su: Branka Todorović, sekretar Predstavničkog doma Parlamentarne skupštine BiH; Milorad Barašin, Glavni tužilac Tužilaštva Bosne i Hercegovine; Olivera Đurić, sekretar Tužilaštva BiH; Nedim Hagić, pravni savjetnik USAID u BiH; Kristijan Haupt, šef projekta USAID u BiH; Vildana Bakšić, iz OSCE Odjel za ljudska prava i Zoran Brkić iz PS BiH;

Na prijedlog predsjedavajućeg Komisije **Ive Mire Jovića**, članovi Komisije su usvojili slijedeći

D N E V N I R E D

1. Verificiranje Zapisnika 39. sjednice Komisije;
2. Realiziranje ranije donesenih zaključaka;
3. Prijedlog zakona o upotrebi znakovnog jezika u Bosni i Hercegovini; predlagач: Predstavnički dom Parlamentarne skupštine Bosne i Hercegovine; (**usaglašenost s Ustavom i pravnim sistemom: Prva faza u nadležnoj komisiji: čl. 97. i 98. Poslovnika**);
4. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini; predlagач Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne skupštine Bosne i Hercegovine; (**usaglašenost s Ustavom i pravnim sistemom: član. 97. Poslovnika**);
5. Prijedlog zakona o izmjenama i dopunama Zakona o osiguranju depozita u bankama Bosne i Hercegovine, predlagачa Vijeća ministara BiH; (**usaglašenost s Ustavom i pravnim sistemom: član. 97. Poslovnika**);
6. Informacija o radu Tužilaštva BiH za 2008. godinu; (**(razmatranje Informacije u skladu s članom 26. stav (2) Poslovnika**);
7. Ostala pitanja
 - a. Posjeta Švicarskoj Konfederaciji, Venecijanskoj komisiji i druge posjete;
 - b. Ostalo

Ad. 1. Verificiranje Zapisnika 38. sjednice Komisije

Ivo Miro Jović, predsjedavajući Komisije, predložio je diskusiju o ovoj tački Dnevnog reda.

Nije bilo diskusije o Zapisniku s 38. sjednice.

Nakon toga, Komisija je jednoglasno usvojila Zapisnik 38. sjednice.

Ad. 2. Realiziranje ranije donesenih zaključaka

U uvodu za ovu tačku dnevnog reda, **Ivo Miro Jović**, predsjedavajući Komisije, predložio je da, po običaju, sekretar Komisije, prezentira stanje zaključaka i njihove realizacije.

Sekretar Komisije, **dr Zijad Hasić**, upoznao je članove Komisije o stanju zaključaka, konstatirajući da je članovima Komisije dostavio pismeni pregled zaključaka i njihove dosadašnje realizacije.

U kraćem izlaganju, on je upoznao članove Ustavnopravne komisije o svakom zaključku posebno. Ukazao je na potrebu da članovi Ustavnopravne komisije odrede vrijeme kada će se aktivirati:

1. Realizacija zaključka s 3. sjednice u vezi obrazovanja Fonda za pravilnu nadoknadu imovine;

2. Realizacija zaključka s 3. sjednice u vezi oslobađanja poreza zaposlenih građana BiH u međunarodnim institucijama;

Nakon kraće rasprave, članovi Ustavnopravne komisije Doma naroda Parlamentarne skupštine Bosne i Hercegovine primili su k znanju prezentaciju zaključaka uz prijedlog da se na narednoj sjednici aktiviraju zaključci s 3. sjednice Ustavnopravne komisije.

Ad. 3. Prijedlog zakona o upotrebi znakovnog jezika u Bosni i Hercegovini; predlagač: Predstavnički dom Parlamentarne skupštine Bosne i Hercegovine; **(usaglašenost s Ustavom i pravnim sistemom: Prva faza u nadležnoj komisiji: čl. 97. i 98. Poslovnika)**

U uvodu za ovu tačku dnevnog reda, **Ivo Miro Jović**, predsjedavajući Komisije, ukazao je na sljedeće:

Predstavnički dom Parlamentarne skupštine Bosne i Hercegovine, kao predlagač, dostavio je 7.4.2009. godine, Domu naroda Parlamentarne skupštine BiH Prijedlog zakona o upotrebi znakovnog jezika u Bosni i Hercegovini, radi razmatranja i usvajanja po osnovnom zakonodavnom postupku. Predložio je raspravu.

Nakon kraće rasprave Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila sljedeće:

1. Postoji ustavnopravni osnov za donošenje Zakona o upotrebi znakovnog jezika u Bosni i Hercegovini;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Komisija je zatim, jednoglasno, podržala principe predloženog zakona.

Ad 4. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini; predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne skupštine Bosne i Hercegovine; **(usaglašenost s Ustavom i pravnim sistemom: član. 97. Poslovnika)**

U vezi ove tačke dnevnog reda, **Ivo Miro Jović**, predsjedavajući Komisije, ukazao je na sljedeće: Zajednička komisija za ljudska prava, prava djeteta, mlade, imigraciju, izbjeglice, azil i etiku Parlamentarne skupštine Bosne i Hercegovine, kao predlagač, dostavila je 18.5.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini.

Nakon provedene rasprave Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila sljedeće:

1. Postoji ustavnopravni osnov za donošenje Zakona o izmjenama i dopunama Zakona o osnovama sigurnosti saobraćaja na cestama u Bosni i Hercegovini;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Ad 5. Prijedlog zakona o izmjenama i dopunama Zakona o osiguranju depozita u bankama Bosne i Hercegovine, predlagača Vijeća ministara BiH; **(usaglašenost s Ustavom i pravnim sistemom: član. 97. Poslovnika)**

U uvodu za ovu tačku dnevnog reda, **Ivo Miro Jović**, predsjedavajući Komisije, ukazao je na sljedeće:

Vijeće ministara Bosne i Hercegovine, kao predlagač, dostavio je 21.5.2009. godine, Domu naroda Parlamentarne skupštine BiH Prijedlog zakona o izmjenama i dopunama Zakona o osiguranju depozita u bankama Bosne i Hercegovine, radi razmatranja i usvajanja po osnovnom zakonodavnom postupku. Predložio je diskusiju o Prijedlogu zakona. Nakon toga Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila sljedeće:

1. Postoji ustavnopravni osnov za donošenje Zakona o izmjenama i dopunama Zakona o osiguranju depozita u bankama Bosne i Hercegovine;
2. Ponuđeni tekst zakona je usaglašen sa Ustavom Bosne i Hercegovine i pravnim sistemom;
3. Ponuđeni tekst zakona može se uputiti u daljnju zakonodavnu proceduru.

Ad 6. Informacija o radu Tužilaštva BiH za 2008. godinu; **((razmatranje Informacije u skladu s članom 26. stav (2) Poslovnika)**

U uvodu za ovu tačku dnevnog reda, **Ivo Miro Jović**, predsjedavajući Komisije, ukazao je na sljedeće:

Tužilaštvo Bosne i Hercegovine dostavilo je 17.4.2009. godine, Domu naroda Parlamentarne skupštine BiH Informaciju o radu Tužilaštva Bosne i Hercegovine za 2008. godinu. Informaciju o radu Tužilaštva Bosne i Hercegovine za 2008. godinu, Tužilaštvo BiH je dostavilo na osnovu člana 13. Zakona o Tužilaštvu Bosne i Hercegovine („Službeni glasnik BiH“, br.: 24/02, 3/03, 37/03, 42/03, 8/04, 35/04 i 61/04). Predložio je diskusiju.

Zoran Koprivica je ukazao na važnost što sjednici prisustvuje glavni tužilac BiH Milorad Baršin. Smatra da će se na Domu naroda više govoriti o suštini Informacije. Foklusrtao se na pitanja procesiranja osumnjičenih za ratne zločine, na položaj i ulogu stranih tužilaca u Tužilaštvu BiH i finansiranje Tužilaštva. Predložio je da se Informacija primi k znanju.

Milorad Barašin je ukazao na temeljitost podatka koji se nalaze u Informaciji. U široj elaboraciji govorio je o paralelnim aktivnostima koje se vode u tužilaštvima u Hrvatskoj i Srbiji, neselektivnosti predmeta, te saradnji s nevladinim organizacijama (prvenstveno s savezima logoraša).

Slobodan Šaraba je ukazao na brojne probleme koji prikišću Tužilaštvo BiH (kancelarijski prostor, kvalitet i brojnost tužioca, dvojna državljanstva i sl.).

Dr. Hilmo Neimarlija je ukazao na principe rada Tužilaštva BiH, iskazane u informaciji gdje dominiraju: individualna odgovornost, pojedinci ne mogu počinuti genocid, etika nije statistika, politika je statistika i sl. On je podsjetio da su strani tužioci još potrebni Bosni i Hercegovini.

Ivo Miro Jović je ukazao na težak položaj Udruženja logoraša Hrvata, koji ništa ne primaju iz budžeta. Ukazao je na stradanja Hrvata u Bugojnu i slučaj „Šantić“, te činjenicu da se ti predmeti ne procesiraju.

Nakon provedene rasprave Ustavnopravna komisija Doma naroda Parlamentarne skupštine Bosne i Hercegovine je jednoglasno utvrdila slijedeće:

1. Ustavnopravna komisija prima na znanje Informaciju o radu Tužilaštva Bosne i Hercegovine za 2008. godinu,
2. Ustavnopravna komisija predlaže Domu naroda da primi na znanje Informaciju o radu Tužilaštva Bosne i Hercegovine za 2008. godinu.

Usvojen je i zaključak da u toku ove godine Ustavnopravna komisija posjeti Tužilaštvo BiH i neposredno sagleda probleme ove institucije.

Ad 7. Ostala pitanja

- a. Posjeta Venecijanskoj komisiji, Švicarskoj Konfederaciji i druge posjete;
- b. Ostalo

a) O posjeti Venecijanskoj komisiji govorio je sekretar Ustavnopravne komisije. Ukazao je na činjenicu da je poziv za posjetu, prosljeđena u Sektor za međunarodne odnose i protokol, koji je sačinio pismo, koje je službeno poslato. Čeka se reakcija Venecijanske komisije. Do dana održavanja sjednice Komisije nije stigao odgovor iz Venecijanske komisije.

O **posjeti Švicarkoj Konfederaciji** sekretar Ustavnopravne komisije dr Zijad Hasić ukazao je i na slijedeće podatke:

Ustavnopravne komisije Parlamentarne skupštine Bosne i Hercegovine provode „Projekat pomoći Vlade Švicarske u procesu ustavnih promjena u Bosni i Hercegovini“, dogovoren prilikom susreta Njegove E. ambasadora Švicarske Konfederacije Rolf Lenza sa predsjedavajućim domova Parlamentarne skupštine BiH i predsjedavajućim ustavnopravnih komisija dana 05.03.2009. godine. U cilju provođenja projekta pomoći dogovoreno je s ambasadorom gosp. Lenzom putovanje u Švajcarsku gdje će biti održan dio tematskih radionica i to: u Cirihu, Arau, Bernu i Ženevi na kojima će se uz interaktivno učešće sudionika, analizirati komparativni ustavnopravni sistemi složenih država Švicarske, Belgije, Španije, Njemačke, sistem neposredne demokratije i odnos između različitih nivoa vlasti u složenim državama. Predviđen je i susret sa parlamentarcima na saveznom i kantonalnom nivou. Posjeta Švajcarskoj dogovorena je za **period od 28.06. do 02.07. 2009. godine**, a delegaciju, sastavljenu od predstavnika obje ustavnopravne komisije činili bi: svi članovi obje komisije, oba sekretara, savjetnik odnosno saradnica obje komisije. Dogovoreno je da će troškove putovanja, smještaja i boravka snositi Vlada Švajcarske Konfederacije.

Prijedlog za sastav delegacije je slijedeći:

a) Ustavnopravna komisija Predstavničkog doma:

- | | | |
|----------------------|----------------------|-------------------|
| 1. Šefik Džaferović, | 6. Halid Genjac, | umjesto njega bit |
| 2. Drago Kalabić, | 7. Lazar Prodanović, | će Alma Čolo), |
| 3. Martin Raguž, | 8. Momčilo | 9. Adem Huskić, |
| 4. Ekrem Ajanović, | Novaković | 10. Igor Bajić, |
| 5. Velimir Jukić, | (otkazao, a | 11. Nedžad Salman |

b) Ustavnopravna komisija Doma Naroda:

- | | |
|---------------------|------------------------|
| 1. Ivo Miro Jović, | 5. dr Hilmo Neimarlija |
| 2. Slobodan Šaraba, | 6. dr Zijad Hasić, |
| 3. Sulejman Tihić, | 7. Snježana Rokić. |
| 4. Zoran Koprivica, | |

Članovi Ustavnopravne komisije primili su k znanju ove podatke.

b) Ustavnoj komisiji obratio se i Kristijan Haupt iz OSCE Misije u BiH. On je ukazao na provođenje OSCE projekta kojim se jača pozicija parlamenta, te predložio čvšću saradnju za rad s parlamentarcima, što su oni bezrezervno prihvatili.

Nakon toga, Komisija je završila svoju sjednicu u 12,00 sati.

SEKRETAR USTAVNOPRAVNE
KOMISIJE
dr. Zijad Hasić

PREDSEDavajući USTAVNOPRAVNE
KOMISIJE
Ivo Miro Jović